

TE HEHEURAA API

I neia i te piha neneiraa a Henere i Roto Miti i Utah no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farane i te matahiti hoe.

Nu. 10

Atopa, 1915

Mat. 9

“Te parau maira Iehova, Ia tae te reira mau mahana, e te reira tau, e tae mai ai te tamarii a Iseraela, ratou e te tamarii a Iuda atoa, e haere noa ratou ma te oto ia haere ra, i te imiraa i to ratou Atua ra ia Iehova.” Ieremia 50:4.

TUMO PARAU.

LUKA: 19:43

“Te fatata maira hoi te tau e haaatihia'i oe e to mau enemi i te aua, a haapuni ai ia oe e ati' 'e, a tapea'i ia oe i roto.”

Faaiteraa Mana'o.

Oia hoi i muri a'e i to Iesu tomaa i roto i Ierito a farerei ai oia ia Tataio, e ta'na mau parau ia'na e te haapii haerea i te Parau a te Atua, e te tuu paraboleraa i ta'na mau parau. E fatata maira Betania, i parauhia Oliveta, i tono atu'i oia ie toopiti pipi na'na i roto i te oire, e tii i te hoê fanau'a asini aore â i parahihia e te taata, a puto mai, e i to raua taeraa'tu i roto i te oire, oia mau atura ta Iesu i parau mai ia raua ra. Puto maira raua i te asini ia

Iesu, e i to'na parahiraa i nia i taua fanau'a asini ra, ua pii ihora taua feia i na muri noa ia'na ra, i te haamaitai i te Atua. E fatata atura i te oire ra Ierusalema, oto atura, na ō atura, ahiri oe i ite na i te parau e ora'i oe na i teie nei ra, ua moe ia i to oe na mata.

Eaha taua parau ra? o te Evanelia ia, i a'ohia'tu i te Ati Iuda i roto i Ierusalema, e no te Ati Iuda faaroo ore i tupu ai te oto no Iesu, i te na ō atu ai oia ra e: "Te fatata maira hoi te tau e haatihia'i oe e to mau enemi i te aua, a haapuni ai ia oe e ati noa'e, a tapea'i ia oe i roto." Oia hoi e hitu ahuru matahiti mai te fanauraa o Iesu, i reira te tupuraa o teie nei tohu, a tere mai ai te nuu o te arii no Roma, oia hoi Tito mai ta Iehova i parau mai i ta'na tavini ia Mote, a na ô mai ai ra e, "E aratai mai Iehova i te hoê fenua roa, te i apatoerau tei te hopea mai o te fenua ra mai te maue aeto râ te oioi, ei rave ia oe, e fenua e ore oe e ite i te re'o. E fenua mata aito ra e ore e haapao mai i te taata ruau e ore hoi, e faaherehere i te taata api."—Deuteronomi 28:49,50.

I te tae mai o te mau nuu no te arii no Roma ra o Tito, ua haaati noa hia te oire ra o Ierusalema mai tei parau hia mai i te irava 52 e te pene 28 no Deuteronomi: "E haati ratou ia oe i roto i to mau oire atoa ra, e ia marua to mau aua teitei ta oe i tiaturi râ i raro e ati noa' 'e to fenua na oia ia, e haati ratou ia oe i to mau oire atoa e ati noa' 'e te fenua a to Atua a Iehova i horoa mai no oe ra.

Oia mau roa ua haati noa hia te oire Ierusalema e ono avae, i reira i marua'i te aua, oia hoi o te taime mau te reira i vavahi-hia'i te aua â ô ai te nuu no Roma i roto i Ierusalema a taparahi hia'i te Ati Iuta e te nuu no Roma, ua pohe te tahi pae no te Ati Iuta i te poia e te ma'i, ua amu noa ratou i ta ratou iho tmarii (a hio Deuteronomi 28:23) "E amu hoi oe, i ta to oe iho tino i fanau i to mau

tamarii tamaroa e to mau tamahini ta to Atua ta Iehova i horoa mai no oe ra i to oe ra ati e te pohe i to mau enemī e haati mai ia oe. A hio atoa i te Ezekielā 5:12. E te toru o te tufaa ia outou na (te ati Iuda) e pohe ia i te ma'i e pau hoi i te pohe i te poia i roto ia outou na: Area rā te toru o te tufaa ua taparahi hia ia i te 'o'e. Ezekielā 5: Pae ropu o te irava 12, ua milioni milioni te Ati Iuda i taparahi hia area te toru o te tufaa o te Ati Iuda ua haapararahia ia. A hio i te pae hopea no te irava 12 no Ezekielā Pene 5. "E aratai mai au i te toru o te tufaa na roto i te auahi e tamā vau ia ratou mai te ario i tamā-hia, e tamata vau ia ratou mai te auro i tamata-hia, e tiaoro mai ratou i to'u nei io'a, e na'u ratou e faaroo atu, na'u e parau e, e taata ratou no'u, e na ratou e parau e, o Iehova to matou Atua. Tetaria 13:9.


Oia hoi i muri a'e i to te ati Iuda, haapurara raahia e te faatitiraahia na te ao atoa nei ua riro te ati Iuda ei tavini i raro a'e ia vetahi ê, ua vai moe noa ratou i na hanere raa matahiti e rave rahi e tae noa'tu te tau i tupu ai te tohu a te Peropheta ra a Tetario P. 13:9. "E aratai mai au, i te toru o te tuhaa, na roto i te auahi e tamā vau ia ratou mai te ario i tamāhia.

Oia hoi i te tau hopea nei, i faaho'i hia mai ai te tahi pae no te ati Iuda na roto i te auahi ra, o te mau ino i faatae hia i nia ia ratou, e ua horoi-hia to ratou mau ati oia hoi to ratou mau viivii. Ua mairi ia i muri e te haamata nei ratou i te patu ia Ierusalema te fenua o to ratou hui tupuna e te haamata faahou nei i te haamori i to ratou Atua ia Iehova.

E riro teie nei tama'i i te tauturu ia ratou i te ho'i atu i to ratou fenua aia. To taeae haehaa i te Tapea o te Evanelia.


Taha Puhara.

Captain Pedersen.



E hoho 'a teie no te pahi rahi ra horopatete Eastland, i vai tahuri noa i te anavai ra o Chicago

HISTORIAN'S OFFICE LIBRARY
THE PHOTODUPLICATION SERVICE
UNIVERSITY MICROFILMS INTERNATIONAL



Te afai ra'tu te mau mutoi i te mau tino pohe i roaa mai no' roto i te'pahi ra Eastland

TE VEA KATORIKA E TANA RA HAAPIIRAA I TE OROA A TE FATU.

Te na ô maira o P. Padreciti Perepitero i roto i ta'na ra Vea i neneihia i te avae ra o Fepuare M. 1914 e, "Ua patoi mai o Pahoa a Tahiaroa i te Haapiiraa o te Etaretia Katorika nei i te oroa a te fatu; aita roa'tu oia i mauruuru i te parau e, ua huna o Iesu i to'na tino i raro a'e i te hoaho'a pane, tei neneihia i roto i te Vea Katorika."

Eaha na vahi e hape e te pahonoraa ore i roto i teie nei vea Katorika. E rave rahi te mau vahi tano ore, no te hinaaro noa iho o te taata nei, e te ite o te taata nei. teie te tahi; "ua patoi mai o Pahoa. e aita roa'tu oia i mauruuru." Eaha ua na ô anei au i roto te Heheuraa Api e, Te patoi nei au, o Pahoa a Tahiaroa, i te Haapiiraa a te Etaretia Katorika nei, e aita roa'tu vau i mauruuru i te parau e, ua huna Iesu i to'na tino i raro a'e i te hoaho'a pane?

Teie te tia mau tei papaihia i roto i te heheuraa api mai ta oe i tai'o ra. "E e ite to'na a farii mai i te haapii raa a te mau Perepitero." teie te tahi, "Pahonoraa a Iesu i roto i te Mataio 5:15, Mataio 10:32, 33," ahiri paha vau i na ô e, Patoi raa a Iesu i te haapiiraa a te mau Perepitero, e riro o Padrecito i te na ô mai e, ua pahono mai o Pahoa a Tahiaroa i te haapiiraa a te Etaretia Katorika. O vau anei o Pahoa a Tahiaroa tei patoi atu, e aore râ tei ore i mauruuru, e aore râ tei papai hia i roto i te Mataio ra, e tei papai atu i te Etaretia i Korinetia ra? aore roa ia, o Iesu iho e Paulo tei Patoi atu i ta oe haapiiraa e aita roa'tu o Iesu i mauruuru i te parau e, ua hunahia to'na tino i raro a'e i te haoho'a pane.

Na vai i faahapa, e i patoi ta oe haapiiraa, maori râ, na te Bibilia i faaite mai i te hape rahi o te mau haapiiraa a te taata nei.

Ua itea mai te tahi vahi i roto â i taua vea nei e, e ere i te haapiiraa a Iesu, na te Katorika iho taua haapiiraa râ, e mea parau noa hia, e ere i to te Bibilia, no te mea aore i na ô mai e, “aore oia i mauruuru i te Irava Bibilia o tei na ô mai e, ua hunahia to’na tino i raro a’e i te hoaho’a pane. Aita râ e tia ia ratou i te faaite mai i te hoê irava mai te reira te huru, no te mea, e rave rahi to tatou tia raa papu roa i nia i te mau tumu parau atoa e mârôhia e te mau haapao raa atoa. E ere i te mea mana’o noa hia, mai ta ratou e mana’o râ, na te Bibilia ra tatou i aratai. Eaha te mau irava Bibilia o tei faarirohia e te Katorika ei tia raa papu no ratou mai te mana’o e, e faatia-ma-hia ratou i taua mau irava ra.

Ua na ô mai Iesu, “O tau tino teie e horoahia na outou nei e na reira outou ei mana’o raa ia’u.” Luka 22:19 teie te tahi “O te amu ia’u nei e ora ia.” Ioane 6:57. Teie te tahi irava ta ratou i tuu, oia hoi o tei na ô mai e, “ua amu ana’e outou i teie pane, e ua inu ana’e i teie nei au’a ua faaite â ia outou i te pohe o te fatu e tae no mai oia ra.” I Korinitia 11:26. E homa e, teihea te vahi ta tatou e mana’o e e faufaahia ratou, e te papu roa o to ratou tia raa.

E ere anei te patoi hua’tu nei Iesu, e Paulo i ta’na ra haapiiraa, te na ô maira Iesu, “ei haamana’o raa ia’u,” te faaite nei Paulo, “e faaite raa i te pohe o te fatu,” o tei hea te farii, o ta te irava anei i na ô mai e, “ei haamana’o raa ia’u, e aore râ, o tei na ô mai e, “ei faaite raa i te pohe o te fatu e tae noa mai oia.” E aore râ, o ta te Katorika i parau e, “ua huna hia i raro a’e i te hoaho’a pane.” “Ua amu mau hia,” “e amu tatai hoê noa’tu te feia faaroo i te tino o Iesu aita ona e pau.” Eiaha roa’tu ia tatou e feruri noa’tu i nia i ta ratou ra mau haapii raa Hairesi, o tei ore i papai hia i roto i te parau mau a te Atua. Na te Apooraa

iho i Nihe i Roma i ruri ê i te parau mau, a opai tia'tu ai i te fabula. Timoteo 11, 4:4.

... I te taima i parau ai Iesu e, "o, tau tino teie, ua riro anei taua pane ra ei tino mai te huru mero atoa o Iesu, ua ore atura te huru pane mau?

Aita, aita roa'tu i huru ê o te pane iho â ta'na huru, aore hoi te hoho'a o Iesu i nia i taua pane ra mai ta ratou i faariro ei haapii raa tumu na ratou. Eaha ta tatou i ite papu i roto te Bibilia, o te pape ta Iesu i faariro ei uaina i Kana i Galilea, ua riro mau ia, ei uaina, e pape i te mata-mua ei muri mai e uaina, ua riro mau ia ei semeio na Iesu i mua i te aro o te putuputu raa taata i te oroa faaipoipo raa; aita roa'tu i haapouri hia te faaite raahia e te feia papai Evaneria, a tae hoi te huna raa o Iesu i ana iho i raro a'e i te hoaho'a pane i ore i papai maramarama hia i roto i te Evaneria, e te feia i papai ra.



E hohoa teie no te tahi o to tatou mau hoa Orometua i Papeete.



O te tahi taata teie o teie hopu na roto i te hoe opupu e ua roaa
ia'na e 50 tino pohe no roto mai i te pahi ra Eastland

TE MAU PARAU API

—o—

Te faaite te hoê taiete rahi pereoo auahi i te hoe parau apî maere rahi, oia hoi na te tutai-auri i amu e 18 tane auri no ratou i roto i te matahiti hoê. Te faaite mai nei taua taiete ra e, te ravea ana'e ia paruru mai te mau pereoo auri, te mau huiira e te purumu auri, e te mau e'a turu e te reira mau mea, ia paraihia taua mau mea i te peni au mai-tai.

—o—

Te imi nei te tahi pae o te mau tinito i te fenua tinito ia faaorehia to ratou hau Ripuperita nei e ia faatiafaahouhia te hoê Emepera.

—o—

Tera mai te papuraa o te rahi o te mau taata i pohe roa a tahuri ai te pahi rahi ra Eastland i Chicago i te 24 no Tiurai. Te taatoaraa o te taata i pohe e 812 taata. E 451 vahine, e 316 tane.

—o—

Te mau taata hopu pârau i Iapone e vahine anae ïa. Te haamata nei ratou i te hopu ia tae ratou i te 14 o to ratou matahiti. Aita rea te mau tane e hopu i te pârau.

—o—

Ua iteahia e ua inuhia te taofe i Europa i te 16 no te tenetere.

—o—

Na te hoê vea i faaite mai e, ua inu te hoê taata i e hitu mohina bia e ua taero ihora e i te hopea ua pohe roa. E ere no te bia i pohe ai oia ra. Ia taero oia, hinaaro roa ihora e taoto i raro e ua na reira ihora oia i nia i te purumu o te pereoo auahi e ua pohe ona i te pereoo auahi.

—o—

I roto i Setepa ua ravehia te hoê ohipa maere rahi roa

i Paris i Farane. Na te hoê taote tuiroo o Dr. Charles In-froit i iriti mai te hoê ofai pupuhi no roto mai i te mafatu mau o te hoê faehau Farane e te ora ra taua faehau ra. Na te hoê matini (parauhia atoa e avei'a) i hamanihia e taua taote ra i tauturu mai i te imiraa i te ofai. E riro paha, na te avei'a i faaite mai i te vairaa o te ofai.

I te 27 no Setepa ua haruru te hoê pereoo auahi i î roa i te mau afata mori uira. E 15 taata i pohe roa e e 50 taata i haaparuparuhia. Ua fatata te oire i te pau roa i te auahi.

Ua tai'o matou i te hoê parau i roto i te tahi vea i neneihia i San Francisco i te na ô raa e: Te faaineine te hoê taiete taata e umi mai i nia i te pahi auahi Purutia, o Walkure tona io'a, e vai i roto i te ava i Papeete. Na te hoê mau taata i hoo i taua pahi ra e te opua nei ratou e umi ia'na i nia e e tavere atu i San Francisco e hamani i te mau vahi ino.

Oia mau, e tau maere rahi teie, i teie nei mahana te 29 no Tetepa ua ou'a te re'o taata mai te miti Atalanata e tae roa i te miti Patitifa. Te area i rotopu i taua na miti ra e roaa e 25000 maile. Ua mana'o tatou e mea maere roa te paraparau niuniu, mai te huru e paraparau mai Papeete atu i Taravao e e faaroohia te re'o taata e 60 kilometre. Ua mana'o atoa tatou e mea maere rahi roa te paraparau raa niuniu ore mai tei rave hia i nia i te mau pahi e i Tahiti atoa hoi; i te reira ravea te paraparau te mau taata na roto i te tahi mau tapao patapata.

I teie nei râ i faaroo-papu-roa-hia te re'o taata mai te tahi miti e tae roa i te tahi miti.

1 te 2 no Atopa ua tupu te hoê mata'i ino roa e te miti rahi i te pae apatoa i Amarika e ua pohe e 350 taata, ua parauhia, ua hurihia ia i uta e 150 pahi tira piti. E hanere te fare i marua'i i raro e ua tausani te tumu anani e te mei'a i hurihia i raro.

—o—

I te mau mahana matamua no Atopa ua haapaohia te Amuiraa Atopa o te Ekalesia i te oire Roto Miti. E nunaa rahi taata i tae mai i taua amuiraa ra. I roto i te apooraa rahi ua faatiahia na roto i te afairaa rima i nia, ia faatia te Ekalesia i te hoê Hiero i ô atu i Ovaihii. Te tupu nei te Ekalesia i te rahi i reira, e ia tai'o hia te mau melo o te Ekalesia i reira e roaa e hoê ahuru e ma pae tausani taata.

—o—

Te peapea noa ra te Tâpûraa i Panama oia hoi te E'a pahi. Te pai'a noa nei te pae mou'a i roto i te tâpûraa e aore i nehenehe ia tere te mau pahi na roto. E raverahi te mau pahi o teie tiai i Panama e tere na tau ae'a aita râ nehenehe. Te iriti noa nei te Tau Amarika i te repo e pai'a mai aita râ e oti vave te ohipa. Te opua nei te Hau e iriti e atu i te mou'a peapea i reira, ei reira eita paha e haapeapea-faahouhia taua ohipa ra. Ua parauhia eita e oti maitai taua ohipa ia tae te Matahiti Apî.

—o—

Te faaite mai nei te hoê vea e, ua paremo te pahi auahi ra Silver Ash i ô atu i te paeau Baretane. Ua matau to Tahiti e to Makatea i taua pahi ra no te mea e pahi faauta repo Makatea taua pahi ra. Aita i iteahia te tumu i paremo ai oia ra.

Toae a Maere, Faaau Parau,
Rue Dumont d'Urville, Orovini, Papeete, Tahiti.
Frank J. Fullmer, Imprimeur,
2532 Seventh East Street, Salt Lake City, Utah